

Na osnovu člana 16. stav 1. Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 20. Zakona o pravima demobiliziranih branilaca i članova njihovih porodica („Službene novine Federacije Bosne i Hercegovine“, broj: 54/19), na prijedlog Ministarstva za boračka pitanja Zeničko-dobojskog kantona, Vlada Zeničko-dobojskog kantona, na 121. sjednici, održanoj dana 16.09.2021. godine, d o n o s i

UREDBU

O IZMJENAMA I DOPUNAMA UREDBE O NOVČANOJ EGZISTENCIJALNOJ NAKNADI ZA DEMOBILIZIRANE BRANIOCE

Član 1.

(Izmjena člana 2.)

U Uredbi o novčanoj egzistencijalnoj naknadi za demobilizirane branioce („Službene novine Zeničko-dobojskog kantona“, broj: 6/20 u daljem tekstu: Uredba), u članu 2. stav (5) mijenja se i glasi:

„(5) Zahtjev za novčanu egzistencijalnu naknadu koji je podnio demobilizirani branilac koji ima status ratnog vojnog invalida utvrđen u skladu sa odredbama Zakona o pravima branilaca i članova njihovih porodica („Službene novine Federacije Bosne i Hercegovine“, broj: 33/04, 56/05, 70/07, 9/10 i 90/17), koji je pristupio Oružanim snagama kao punoljetno ili maloljetno lice a koji ima period učešća u Oružanim snagama kraći od perioda utvrđenog stavom (1) tačka c) ovog člana, bit će uzet u razmatranje kao zahtjev demobiliziranog branioca koji ima period učešća u Oružanim snagama od 24 mjeseca.“.

Član 2.

(Izmjene i dopuna člana 8.)

- (1) U članu 8. stav 1. tačka a) briše se.
- (2) U tački f) poslije riječi „stanju“ dodaju riječi „ukoliko nema drugih članova domaćinstva“.
- (3) Dosadašnje tačke b) do h) postaju tačke a) do g).

Član 3.

(Dopuna člana 13.)

U članu 13. iza stava (1) dodaje se novi stav (2) koji glasi:

„(2) Period utvrđen članom 2. stav (1) tačka c) i stav (5) Uredbe uzima se u obzir kod obračuna mjeseci učešća u Oružanim snagama korisnika ovog prava, odnosno primjene člana 4. Uredbe.“

Član 4.

(Izmjena i dopuna člana 15.)

- (1) U članu 15. stav 1. tačka f) interpunkcijski znak „tačka“ na kraju teksta zamjenjuje se interpunkcijskim znakom „tačka zarez“.
- (2) Iza tačke f) dodaje se nova tačka g) koja glasi:
„g) brisanjem sa evidencije nezaposlenih lica.“

Član 5.

(Izmjena u svim članovima)

U cijelom tekstu Uredbe riječi „općina“ u određenom padežu zamjenjuju se riječima „grad/općina“ u odgovarajućem padežu.

Član 6.

(Stupanje na snagu i objavljivanje Uredbe)

Ova Uredba stupa na snagu danom donošenja, a ista će biti objavljena u „Službenim novinama Zeničko-dobojskog kantona“.

Broj: 02-*OR-1242*/21

Datum, 16.09.2021. godine
Zenica

DOSTAVLJENO:

1x Ministarstvo za boračka pitanja,

☒ Službene novine Zeničko-dobojskog kantona,
1x a/a.

